


## 印光大师 | 戒坐垫打佛菩萨名号

印光大师 地藏占察入净土 2021-02-14



印光大师

江浙信心妇女，每以白布铺地礼佛，名为手方。间或垫坐，为护衣服，固无不可，但不应打印其上。若已打印，则万万不可铺以礼佛，况垫坐乎。彼殆谓半截未打印，坐则无碍。不知以有字之布置之于地，尚属亵渎，况既坐其下半截，上半截亦贴靠自己下体，或有竟坐于打印之处矣。**须知印上之字，皆是佛菩萨之圣号，理当格外尊重**，何可如此亵渎。

阿育王之印，則是釋迦如來真身舍利  
寶塔之印。普陀普濟寺，則是敕建南  
海普陀禪寺觀音寶印（普陀禪寺，乃  
明萬曆三十三年御賜額，至清康熙三  
十八年始改賜普濟禪寺額。如此，諒  
此印是康熙三十八年以前所鑄者）。  
法雨寺，則是南海普陀天華法雨觀音  
寶印。余可类推。

**打印之布，只可藏于家中佛龕，或  
神龕內，則有功德。若用以鋪地拜  
佛，則其罪非小，況墊坐乎**（如已  
經鋪地拜佛用過之手方，則又只好洗  
淨焚化，切不可藏佛龕中）。

譬如子孫，以祖父之名，書之于布，以作拜  
祖父時墊地之用，及坐地時，恐污衣服，用  
此布以墊坐，則人必以為不孝，自己心亦不  
忍。何竟敢以佛菩薩聖號，印于墊地护衣之  
布上乎。

其原由于僧人不知事務，唯欲多打印，則多  
得錢。不計此布万万不可打印。若此等僧，  
縱有修持，亦當墮落。以亂為人打印，令一  
切信心婦女，同作褻瀆佛菩薩之大罪故也。

愿諸僧俗，各各痛戒。又愿识字之人，见闻  
此说，逢人劝诫，令一切人改此恶习，则功  
德无量无边矣。

□□□

节选自《印光法师文钞》

•三编补

•戒坐墊打佛菩薩名号印



更多精彩内容请关注

『须摩提世界观光』

